

C. PLINII SECUNDI
 NATURALIS
 HISTORIAE
 LIBER OCTAVUS.

C A P. I.

*De animalibus terrestribus, elephantorum commen-
 datio, & de sensu eorum.*

And reliqua transeamus animalia, & pri-
 mum terrestria. Maximum est elephas,
 proximumque humanis sensibus:^a quip-
 pe intellectus illis sermonis patrii, &
 imperiorum obedientia, officiorumque, quæ
 didicere, memoria, amoris & gloriae voluptas: imo
 vero (quæ etiam in homine rara) probitas, pruden-
 tia, æquitas: religio quoque siderum, Solisque ac
 Lunæ veneratio. Auctores sunt, in Mauritaniæ
 saltibus ad quendam amnem, cui nomen est ^b Ami-
 lo, nitescente Luna nova, greges eorum descendere:
 ibique se purificantes solenniter aqua circum-
 spergi, ^c atque ita salutato sidere in silvas reverti,
 . vitu-

^a Quippe intellectus illius sermonis, &c.] Legend. Quippe intellectus illius sermonis patrii, & in priorum obedientia officiis, eorum quæ didicere memoria, amoris & gloriae voluptas. Intellectus, inquit, illis sermonis patrii & officiis in priorum obedientia, ^b οὐδεὶς αἰνεῖ τοῦτον εἶναι. Priorum ἀριστούργοις. Piores aestate elephantos intelligit, quibus minores obedientiam praestant, officii intelligentes sunt in priorum obedientia. Salm. 305. b

^b Amilo.] Dion ait pergere αἴσις

αἴσιον perennem aquam. Veteri codices habent Annulo, que vox à Graecis αἰσιον fortassis depravata est. Rhodig. cap. 18. lib. 10. Primus ex Europæ regibus Indis dictis elephantos Alexander habuit: plurimos Antigonus: multos Pyrrhus in prælio captos superato Demetrio, quos Romanis objecit. Idem Rhod. cap. 2c. lib. 22. Dalea.

^c Atque ita salutato sidere in silvas reverti.] Id est, salutata luna. Salmasi p. 306. a.